



Etne Kommune

Utkast planprogram KULTURPLAN

Etne kommune

Forslag vedtatt i komité Drift
sak 17/10499.

Høringsfrist 4. januar 2018.

INNHALD

1. Bakgrunn og formål med planen.....	3
2. Kva er eit planprogram.....	3
3. Organisering.....	4
4. Område som skal behandlast i planen.....	4
5. Målsetjingar som skal løysast i planen.....	5
6. Aktuelle utgreiingar.....	6
7. Medverknad og informasjon.....	7
8. Framdriftsplan.....	8
9. Føringar for planarbeidet.....	9

1. BAKGRUNN OG FORMÅL MED PLANEN

Etne kommunestyre gjorde i november 2016 vedtak om utarbeiding av ein ny, overordna kulturplan for heile kulturfeltet inkludert plan for idrett og friluftsliv, bibliotek og kulturminne. Etter krav frå Kulturdepartementet blir det nå parallelt med Kulturplanen utarbeidd eigne kommunedelplanar for Idrett, friluftsliv og fysisk aktivitet og for Kulturminne.

Planen skal vere eit strategisk styringsdokument for Etne kommune sin politikk på heile kulturfeltet i eit ti-års perspektiv. Det er behov for ein samla overordna plan som kan vere eit arbeidsreiskap for framtidige prioriteringar og satsingar. Eksisterande Kulturplan blei vedteken i 1979.

Den nye Kulturplanen tar utgangspunkt i kommuneplanen sin samfunnsdel som har følgjande hovudmål for kultur og fritid i Etne:

Etne kommune skal halda på posisjonen som Kulturkommunen i regionen. Kultur-, idretts- og fritidstilbodet skal vera breitt og variert med ulike grader av samspel, kreativitet og sjølvdisiplin. Dette skal skje i samarbeid med frivillige lag og organisasjonar.

Planen skal vere eit verktøy for å nå delmåla i kommuneplanen sin samfunnsdel ved å peika på tiltak, leggja til rette for handlingar og gjennomføra strategiar. I tillegg, skal den innehalde eit handlings- og tiltaksprogram som skal vera lettles og forståeleg for alle som les planen. Eit godt handlings- og tiltaksprogram (HOT) vil og gjera det enklare mot budsjettvurderingar kvart år. Administrasjonen legg opp til ein god dialog for prioritering kvart år i i samband med budsjettarbeidet og rullering av planen.

To viktige føresetnader vil vere å ha full politisk medverknad i sakshandsaminga og forankra planen i lag, organisasjonar og andre kultur- og idrettsaktørar.

Kulturplanen skal også ta utgangspunkt i **Kulturlova** (2007) som understrekar det offentlege sitt ansvar for utviklinga av kulturverksemda i landet. Utdrag frå Kulturlova § 1 og § 4:

§1 Føremål

Lova har til føremål å fastleggja offentlege styresmakter sitt ansvar for å fremja og leggja til rette for eit breitt spekter av kulturverksemd, slik at alle kan få høve til å delta i kulturaktivitetar og oppleve eit mangfald av kulturuttrykk.

§4 Fylkeskommunen og kommunen sine oppgåver

Fylkeskommunen og kommunen skal syta for økonomiske, organisatoriske, informerande og andre relevante verkemiddel og tiltak som fremjar og legg til rette for eit breitt spekter av kulturverksemd regionalt og lokalt

2. KVA ER ET PLANPROGRAM?

Eit planprogram er eit verktøy for tidlig medverknad. Det skal fortelja om formålet med planarbeidet, avklara viktige problemstillingar, avklara evt. utgreiingsbehov og seia korleis planlegginga skal gjennomførast. Planprogrammet vil gi alle interesserte høve til å kome med innspel og synspunkt tidleg i prosessen, før det er trekt nokon konklusjonar. Utarbeiding av eit planprogram er heimla i Plan- og bygningslova § 4-1.

3. ORGANISERING

Planarbeidet følger krava i Plan- og bygningslova med omsyn til politiske behandlingar, offentlege ettersyn, høyringsfristar, kunngjering og liknande.

Godkjenning av utkast til planprogram	Komité Drift
Endeleg godkjenning av planprogram	Komité Drift -> Kommunestyre
Godkjenning av utkast til plan	Komité Drift
Endeleg godkjenning av plan	Komité Drift -> Formannskap -> Kommunestyre

Styringsgruppe:	Komité drift
Prosjektansvarleg:	Rådmannen
Prosjektleder:	Leiar kultur
Arbeidsgruppe:	Administrativt samansett av ein representant frå kulturkontoret, ein frå biblioteket og ein frå kulturskulen. Kyrkja må trekkast inn i delen som omhandlar kyrkja som kulturinstitusjon.
Aktuelle referansegrupper:	Musikkrådet, Sogelaget/Bygdeboknemnda, Idrettsrådet, barne- og ungdomsorganisasjonar, Eldreråd, Barnas kommunestyre, kulturinstitusjonar.

Fagkompetanse vert henta inn etter behov ved utgreiing av ulike tema og problemstillingar i planarbeidet.

4. OMRÅDE SOM SKAL BEHANDLAST I KULTURPLANEN

Kulturplanen er ei oppfølging av Kommunal planstrategi og Kommuneplanen sin samfunnsdel frå 2016.

Kommunal planstrategi 4.1.2. Kultur og fritid seier noko om breidda av planområdet:

Etne kommune er ein kulturkommune – med ei rik kulturhistorie og eit spennande kulturliv. Kommunen er svært stolt av lokale arrangement som Etnemarknaden, Skånevik Bluesfestival og Etne Cup, og det er viktig for kommunen å støtta opp under arrangement som dette.

Det kommunale kulturtilbodet omfattar bibliotek, ungdomsklubb og kulturskule. Kyrkja ligg òg under det kommunale ansvarsområdet til eining for kultur.

Etne kommune har over 100 lag og foreiningar, kino, museum, idrettsanlegg, og i tillegg finst ei rekke regionale og interkommunale lag og foreiningar kor Etne kommune er involvert.

Kultur- og idrettssenteret Skakke er viktig for kultur og idrett i kommunen.


Kommunen er svært rik på kulturminne, og arbeid med desse er ein svært viktig del av den kommunale forvaltninga.

Det er òg gode moglegheiter for eit allsidig friluftsliv i Etne. Friluftsliv er eit satsingsområde for kommunen, og ein vil i valperioden prioritera å kartlegga og verdisetja lokale friluftsområde.

For å gi planen struktur og gjera det enkelt når tiltak skal innarbeidast i budsjettet, tenkjer ein å dela inn i kapittel som samsvarar med budsjettpostane for kultureininga som følger.:

Kulturskule	Undervising i instrument, song, drama/teater og biletkunst. Sal av dirigentteneste til Etne skulekorps. Konsertar og framsyningar for publikum, åleine og i samarbeid med andre.
Bibliotek	Utlån av skjønn- og faglitteratur, lydbøker og filmar. Arrangement, utstillingar og annan aktivitet. Tenester til skular og barnehagar. Arena for samfunnsinformasjon og debatt. <i>Kulturplanen skal innehalda eigen strategiplan for biblioteket.</i>
Historie: Museum, bygdebøker, kulturminne.	Ta vare på kulturminne, kulturmiljø og -landskap, formidling av den historiske arven. Museum. Bygde- og ættesoger. Lokalhistorisk arkiv. <i>Det skal utarbeidast eigen delplan for Kulturminne.</i>
Idrett, friluftsliv og fysisk aktivitet	Legga til rette for idrett, friluftsliv og fysisk aktivitet for innbyggjarane. Spelemidlar. Turstiprosjekt. Verdisetjing av friluftsområde. <i>Det skal utarbeidast eigen delplan for Idrett, friluftsliv og fysisk aktivitet.</i>
Musikk, kunst og kunstformidling	Legga til rette for eit aktivt musikkliv, utøvande kunst, kunstformidling, teater og dans. Spelemidlar. Kunst i offentleg eige og offentleg rom.
Barne- og ungdomsarbeid	Legge til rette for eit variert tilbod av kulturaktivitetar for barn og unge. Arrangera Ung Kultur Møtes – UKM. Fritidsklubbar.
Kyrkjebygg, gravplassar og kyrkjeleg personale	Vera bindeleddet mellom kyrkja og kommunen som lovfesta dekkar store delar av Kyrkjeleg fellesråd sitt budsjett.
Kunst- og kulturarv	Ta vare på og legga til rette for formidling av kunst- og kulturarven. Forteljegruppa. Ingvar Moe. Olav Vik. Torild Børretzen m.fl.
Den kulturelle skulesekken/spaserstokken	Forvalta kultursatsingane ved å søkja om økonomiske midlar sentralt, og bidra til aktivitet gjennom målretta bruk av midlane lokalt.
Festivalar /arrangement	Legga til rette for og støtta opp om kultur- og idrettsarrangement.
Kultur-institusjonar	Skakke-senteret. Skånevik Kultur- og Idrettshall. Gjestgjevargarden.

5. MÅLSETJINGAR SOM SKAL LØYSAST GJENNOM KULTURPLANEN



Hovudmålsetjing i Kommuneplanen 2016-2026

*Etne kommune skal halda på posisjonen som kulturkommunen i regionen.
Kultur-, idrett- og fritidstilbodet skal vera breitt og variert med ulike grader av samspel, kreativitet og sjølvdisiplin.
 Dette skal skje i samarbeid med firvillege lag og organisasjonar.*

Samfunnsdelen i Kommuneplanen 2016-2026 har sju delmål for kultur og fritid. Kulturplanen skal vera verktøyet for å nå desse måla. Kvart punkt skal utgreiast med

- Status
- Utdrag av lover, retningslinjer og planverk som viser kommunen si rolle og eventuelle målsetjingar for feltet
- Utfordringar og problemstillingar
- Handlingar og tiltak for å nå målsetjingane

1) *Kulturskulen skal ha eit variert og godt kjent tilbod.*

2) *Turstiar skal registrerast i kart som vil vere tilgjengelege via kommunen sine nettsider. Arbeidet skjer i samråd med grunneigarar. Ein minner om ansvaret som fell på turgårarar når dei nyttar seg av allemannsretten.*

3) *Me skal i saman med andre aktørar ta vare på og utvikla eksisterande og nye friluftsliv- og friområde. Dette er viktig arbeid for å sikre tilkomst for ålmenta.*

4) *Kommunen skal vera aktiv med å leggja til rette for, og støtta opp om, kultur- og idrettsarrangement.*

5) *Biblioteket vert nytta som ein arena for samfunnsinformasjon og debatt.*

6) *Kommunen byggjer opp om frivillig arbeid kring kulturen og er positiv til private initiativ. Initiativ til å ta vare på, og formidle, kulturhistoria og frivillig arbeid for uorganisert ungdom er særleg ynskete tiltak.*

7) *Me arbeider for vidareformidling og opplysningsarbeid for den kulturelle arven. Barn og unge er særleg målgrupper for formidlingsarbeidet.*

Handlings- og tiltaksprogram som skal vera lettles og forståeleg for alle. Eit godt handlings- og tiltaksprogram (HOT) vil og gjera det enklare mot budsjettvurderingar kvart år. HOT vil ikkje vere tidfesta til konkrete år for gjennomføring eller konkrete summer knytt til dei ulike tiltaka som vert føreslegne. Folkehelseperspektivet skal vera ein raud tråd i planarbeidet.

6. AKTUELLE UTGREINGAR

For å vita kor me skal, må me vita kor me er. Det er difor behov for å gjera ein del utgreiingar for å få det grunnlaget som trengst for å gjera eit godt arbeid med planen:

Kartlegging av frivillig arbeid

Det skal gjerast ei kartlegging av det frivillige arbeidet i kommunen som skal gi svar på:

- Typar frivillige lag og organisasjonar i kommunen
- Deira aktivitetar, aldersfordeling, trendar/utvikling
- Deira mål og utfordringar
- Deira vurdering av egne ressursar
- Eksisterande samarbeid og samarbeidspotensiale mellom organisasjonane, kommunen og næringslivet

Kartlegginga skal gjerast av Frivillig Norge, og Etne kommune har mottatt kr 40.000 for frå Fylkeskommunen for å dekkja kostnadane.

Folkehelsa i kommunen

Folkehelsestilstanden i kommunen kan gi nytting informasjon om tilstanden generelt, og eventuelle utsette grupper det må rettast tiltak mot for å prøva betra helsetilstanden.

Etne publiserte i 2016 eit oversyn over folkehelsa i kommunen, og informasjon frå denne undersøkinga skal brukast i det vidare arbeidet med planen.

UngData

Gratisundersøkinga Ungdata gir svar på eit breidt spekter av temaområde i ungdommane si fritid i Etne samanlikna med andre kommunar, fylket og resten av landet.

7. MEDVERKNAD OG INFORMASJON

Gjennom arbeidsprosessen med planen er medverknad frå brukarar av kommunale kulturtenester, det frivillige kulturlivet, , interessegrupper, næringsliv, frivillig sektor, nabokommunar, regionale og statlege styresmakter viktig.

Det blir kalla inn til folkemøte, og planprogram og planutkast blir sendt på høyring for å sikra at den endelege planen er godt forankra både hos innbyggjarane og dei som skal bruka Kulturplanen i Etne kommune.

Det skal gjennomførast to høyringar.

Forslag til planprogram blir sendt på høyring samstundes med varsling av planoppstart. Plan- og bygningslova set krav om minimum seks vekers høyringsperiode.

Når endeleg utkast til Kulturplan med handlings- og tiltaksprogram ligg føre, skal den sendast på høyring med 6 vekers frist..

Begge høyringane vil bli kunngjorde i Grannar og på kommunen sine nettsider, i tillegg til at høyringsinstansane vil få eigne høyringsbrev.

Høyringsfrist 4. januar 2018. Innspel kan sendst til Etne kommune, Kultur, Sjoarvegen 2, 5590 Etne eller post@etne.kommune.no.

Aktuelle høyringsinstansar:

Fylkesmannen i Hordaland	Kvinnherad kommune	Etne Musikkråd
Hordaland Fylkeskommune	Odda kommune	Etne Idrettsråd
Norsk Kulturforum	Sauda kommune	Etne Sogelag /Bygdeboknemnd
Sunnhordland Museum	Barnas kommunestyre	Lag og organisasjonar
Vindafjord kommune	Eldrerådet i Etne	Kulturinstitusjonar/-arrangement
	Rådet for fuksjonshemma	

8. FRAMDRIFTSPLAN

Oppstartfase		
Oktober 2017	Orienteiring internt og eksternt om planarbeidet	Prosjektleder
16. november	Godkjenning av utkast til planprogram. Kunngjøring av oppstart, 6 veters h�yringsfrist	Komite Drift Prosjektleder
Tidleg januar 2018	Innarbeiding av innspel i planprogram	Prosjektleder/-ansvarleg
Januar/febr. 2018	Endeleg godkjenning av planprogram	Komite Drift- >Formannskap-> Kommunestyre
Utarbeidingsfase		
Januar/febr. 2018	Konstituering av arbeidsgruppa	Prosjektleder/-ansvarleg
Februar 2018	Stand med innspel til Kultuplanen under Kultur natt	Prosjektleder
Mars-april 2018	Folkem�te i Sk�nevik for innspel (�nske om samarbeid med lokal arrang�r)	Prosjektleder / Arbeidsgruppa?
Febr. – apr. 2018	Kartlegging av frivillig arbeid	Frivillig Norge/ frivillige lag/org / Prosjektleder
Februar-juni 2018	Fleire m�ter i arbeidsgruppa og med referansegruppene. Kartleggingar, skrivning av utkast til plan.	Arbeidsgruppa/ Prosjektleder
Juni 2018	Statusm�te og dr�fting i styringsgruppa	Komite Drift/Prosjektleder
Aug./sept..2018	Presentasjon av utkast til plan p� «folkem�te» (samarbeidsarr. Etnemarknad e.l) Etne og Skv.	Prosjektleder/-ansvarleg, arbeidsgruppa
Sept./okt. 2018	Innarbeiding av innspel, skrivning av utkast	Arbeidsgruppa/ Prosjektleder
Vedtaksfase		
Okt./nov. 2018	Godkjenning av utkast til Kulturplan. Kunngjøring av oppstart, 6 veters h�yringsfrist	Komite Drift Prosjektleder
Nov./des. 2018	Innarbeiding av innspel i Kulturplan	Prosjektleder/-ansvarleg
Januar 2019	Endeleg godkjenning av Kulturplan	Komite Drift- >Formannskap-> Kommunestyre

9. FØRINGAR FOR PLANARBEIDET

Lokale føringar

Kommunal planstrategi (sjå kapittel 4)
Kommuneplanen, samfunnsdelen (sjå kapittel 5)

Forelda kulturplan frå 1979.
Strategiplan for biblioteket frå 2003.

Regionale føringar

Regionplan Hordaland 2020
Andre fylkeskommunale planar som omhandlar kultur og idrett

Nasjonale føringar

Kulturlova
Plan- og bygningsloven
Lov om folkebibliotek
Kulturskulelova (§ 13-6 i opplæringsloven av 1997)

St.meld. nr. 48 (2002-2003): Kulturpolitikk fram mot 2014
St. meld. nr. 16 (2004-2005): Leve med kulturminner
St. meld. nr. 22 (2004-2005): Kultur og næring
St. meld. nr. 25 (2005-2006): Mestring, muligheter og mening
(Den kulturelle spaserstokken)
St. meld. nr. 17 (2005-2006): 2008 som markeringsår for kulturelt mangfold
(Vidareføring av kulturelt mangfold) + Rapport
St. meld. nr. 39 (2006-2007): Frivillighet for alle
St. meld. nr. 21 (2007-2008): Samspill (Rytmisk musikk)
St. meld. nr. 32 (2007-2008): Bak kulissene (Scenekunst)
St. meld. nr. 35 (2007-2008): Mål og mening (Språk og litteratur)
St. meld. nr. 8 (2007-2008): Den kulturelle skulesekken
St. meld. nr. 10 (2008-2009): Knutepunkt
St. meld. nr. 23 (2008-2009): Bibliotek
St. meld. nr. 24 (2008-2009): Nasjonal strategi for digital bevaring og formidling av kulturarv
St. meld. nr. 49 (2008-2009): Framtidas museum
St. meld. nr. 10 (2011-2012): Kultur, inkludering og deltaking
St. meld. nr. 18 (2015-2016): Friluftsliv – Natur som kilde til helse og livskvalitet